

C L ▶ V ▶ D ▶ A N ▶  
D R E A E P E L L I Z E R O C A -  
rintho, Medico præstantissimo,  
Conradus Gesnerus  
S. P. D.

**C**V M De fossilium rerum & lapidum  
differentijs libellos aliquot novos, vno  
volumine procudendos, typographo patrueli  
meo tradere statuissem, commodè accidit (vir  
clarissime) vt pulcherrima è Succino tornata  
opera, à te & genero tuo excellenti doctrina  
& pietate viro, D. IO. VVEIDNERO,  
Euangelij in Ecclesia Dantiscana ministro,  
dono missa mihi redderentur: quæ quidem non  
immeritò longè gratissima mihi fuerūt. Nam  
& ipsa per se munera, siue materiam siue ar-  
tificium spectem, perquàm speciosa sunt: & à  
viris tantis hæc esse profecta, qui tanta loco-  
rum intercapedine disiuncti, & ad piam ani-  
morum coniunctionem & optatissimum mu-  
tuæ amicitie fructum tam suauiter me inui-  
tant, vel ipsis muneribus maius gratiusq; mi-  
hi extitit. Animus enim, vt aiunt, munerum